

卷十

羣書治要卷第一

周易

乾亨利貞文言備也象曰天行健君子以自強

不亢九三君子終日乾乾夕惕若厲無咎下處

體極居上體之下純修上道則處下之體曠故終日乾乾至

若于廢體極居上體之下純修上道則處下之體曠故終日乾乾至九五飛龍在天利見大人不行不躍而在

也乎曰飛龍也龍德在天則大人之路亨以德與德以位叙以至德而處盛位

不萬宜乎上九亢龍有悔彖曰大哉乾元萬

書名 群書治要五十卷 元和二年銅活字印本駿河版
撰者 唐 魏徵等 奉敕輯
卷 卷十
內容分類 子-雜家-雜纂-纂言
索書號 貴重-33
編號 C5884000

彩色首頁1


東洋文化研究所漢籍目錄 編號: C5884000
東洋文化研究所漢籍目錄所藏漢籍善本文影像資料庫 索書號: 貴重-33
漢籍善本文影像資料庫文本 群書治要五十卷 元和二年銅活字印本駿河版
版權所有: 東京大學 東洋文化研究所
使用上的注意事項



群書治要

所究研京東院學化文方東

No. 149九



十

不許複製

NOT TO BE REPRODUCED

東京大学東洋文化研究所

羣書治要卷第十

秘書監鉅鹿男臣魏徵等奉

勅撰

孔子家語

始誅

孔子為魯大司寇朝政七日而誅亂法大夫

少正卯戮之于兩觀之下

兩觀闕也

屍於朝三日

子貢進曰夫少正卯魯之聞人也今夫子為

政而始誅之或者為失之乎孔子曰天下有

東坡先生
研經
圖書

東坡先生
研經
圖書

秘書監
鉅鹿男
臣魏徵
等奉
勅撰

東坡先生
研經
圖書

大惡者五而盜竊不與焉一曰心逆而嶮二

曰行僻而堅三曰言偽而辨四曰記醜而博

醜謂非義五曰順非而澤此五者有一於人則不

免於君子之誅而少正卯皆兼有之其居處

足以撮徒成黨撮聚也其談說足以飾廢滌衆

其強禦足以反是獨立此乃人之姦雄也不

可以不除孔子為魯大司寇有父子訟者夫

子同狴執之狴獄也三月不別其父請止夫子

赦焉季孫聞之不悅曰司寇欺余曩告余曰

為國家者必先以孝今戮一不孝以教民孝

不亦可乎而又赦之何哉孔子喟然歎曰嗚

呼上失其道而殺其下非理也不教以孝而

聽其獄是殺不辜也三軍大敗不可斬也獄

豈不治不可刑也何者上教之不行罪不在

民故也夫慢令謹誅賊也徵斂無時暴也不

誠責成虐也政無此三者然後刑可即也既

陳道德以先服之而猶不可則尚賢以勸之
又不可則廢不能以憚之若是百姓正矣其
有邪民不從化者然後待之以刑則民咸知
罪矣是以威厲而不誠刑措而不用也今世
不然亂其教煩其刑使民迷惑而陷罪焉又
從而制之故刑彌繁而盜不勝也世俗之陵
遲久矣雖有刑法民能勿踰乎

王言

孔子閑居謂曾子曰參汝可語明王之道與
居吾語汝夫道者所以明德也德者所以尊
道也是故非德道不尊也非道德不明也雖
有國之良馬不教服乘不可以取道里雖有
博地衆民不以道治之不可以致霸王是故
昔者明王內修七教外行三至七教修而可
以守三至行而可以征明王之道其守也則
必折衝千里之外其征也還師衽席之上故

曰內修七教而上不勞外行三至而財不費
此之謂明王之道也曾子曰不勞不費之爲
明可得而聞乎孔子曰昔者帝舜左禹右皋
陶不下席而天下治夫如此何上之勞乎若
乃十一而稅用民之力歲不過三日入山澤
以其時而無征此則生財之路也而明王節
之何財之費乎曾子曰敢問何謂七教孔子
曰上敬老則下益孝上尊齒則下益悌上樂

施則下益寬上親賢則下擇友上好德則下
無隱上惡貪則下耻爭上廉讓則下知節此
之謂七教也七教者治民之本也政教定則
本正矣凡上者民之表也表正則何物不正
曾子曰道則至矣弟子不足以明之孔子曰
參汝以爲姑止此乎昔者明王之治民也有
法必裂地而封之分屬而理之然後賢民無
所隱暴民無所伏使有司日省而時考之進

用賢良退貶不肖然則賢良者悅而不肖者懼哀鰥寡養孤獨恤貧窮誘孝悌選才能此七者修則四海之內無刑民矣上之親下也如腹心下之親上也如幼子之於慈母矣上下相親如此故令則從施則行民懷其德近者悅服遠者來附政之致也田獵罩弋罩掩網也非以盈宮室也徵斂百姓非以充府庫也慘怛以補不足禮節以損有餘多信而寡

弋繳射也

貌其禮可守其言可覆其迹可履其於信也如四時其博有萬民也如飢而食如渴而飲民之信之如寒暑之必驗也故視遠若邇非道邇也見明德也是故兵革不動而威用利不施而親此之謂明王之守折衝乎千里之外者也曾子曰敢問何謂三至孔子曰至禮不讓而天下治至賞不費而天下之士悅至樂無聲而天下之民和明王篤行三至故天

下之君可得而知也天下之士可得而臣也
天下之民可得而用也曾子曰敢問此義何
謂也孔子曰古者明王必盡知天下良士之
名既知其名又知其實既知其實然後因天
下之爵以尊之此之謂至禮不讓而天下治
因天下之祿以富天下之士此之謂至賞不
費而天下之士悅如此則天下之明譽興焉
此之謂至樂無聲而天下之民和故曰所謂

天下之至仁者能合天下之至親者也所謂
天下之至智者能用天下之至和所謂天下
之至明者能舉天下之至賢此三者咸通然
後可以征是故仁者莫大於愛人智者莫大
於知賢賢政者莫大於官能有土之君能修
此三者則四海之內供命而已矣夫明王之
所征必道之所廢者也是故誅其君而改其
政弔其民而不奪其財故曰明王之征也猶

時雨之降也至則民悅矣是故行施彌博得
親彌衆此之謂還師社席之上言安而無憂也不過
于物合天道也

大婚

孔子侍坐於哀公公問曰敢問人道誰為大
孔子對曰夫人道政為大夫政者正也君為
正則百姓從而正矣君之所為百姓之所從
也君之不為百姓何從公曰敢問為政如之

何孔子對曰夫婦別父子親君臣信三者正
則庶物從之矣內以治宗廟之禮足以配天

地之神也出以治直言之禮足以立上下之

敬也夫婦正則出可以治政言物耻則足以

振之耻事不如禮則國耻則足以興之耻國不如

禮則足以故為政先乎禮禮其政之本與孔

子遂言曰昔三代明王之必敬妻子也蓋有
道焉妻也者親之主也子也者親之後也敢

不敬與是故君子無不敬也敬也者敬身為
大身者親之支也敢不敬與不敬其身是傷
其親傷其親是傷其本也傷其本則支從而
亡三者百姓之象也言百姓之所法而行身以及身子
以及子妃君修此三者則大化胤于天下蘊
也公曰敢問何謂敬身孔子對曰君子過言
則民作辭過動則民作則言不過辭動不過
則百姓敬恭以從命若是則可謂能敬其身

能敬其身則能成其親矣公曰何謂成親孔
子對曰君子者乃人之成名也百姓與名謂
之君子則是成其親為君而為其子也孔子
遂言曰為政而不能愛人則不能成其身不
能成其身則不能安其士不能安其士則不
能樂天不能樂天道也不能樂天則不能成身公曰
敢問何謂成身孔子對曰夫其行已不過于
物謂之成身不過于物合天道也

問禮

哀公問於孔子曰大禮何如子之言禮何其尊也孔子曰丘聞之民之所以生者禮爲大非禮則無以節事天地之神焉非禮則無以辨君臣上下長幼之位焉非禮則無以別男女父子兄弟婚姻親族踈數之交焉是故君子此之爲之尊敬然後以其所能教示百姓卑其宮室節其服御車不雕璣器不雕鏤食

不二味心不滯志以與萬民同利古之明王之行禮也如此公曰今之君子胡莫之行也孔子對曰今之君子好利無厭滯行不倦荒怠慢遊固民是盡以遂其心以怨其政忤其衆以伐有道求得當欲不以其所言苟求得當其情欲而虐殺刑誅不以其理夫昔之用民也由前用上今之用民也由後用下是即今之君子莫能爲禮也

五儀

哀公問於孔子曰寡人欲論魯國之事與之
為治敢問如何取之孔子曰人有五儀有庸
人有士人有君子有賢有聖審此五者則治
道畢矣所謂庸人者心不存慎終之規口不
吐訓格之言格法也不擇賢以託其身不力行
以自定見小闇大而不知所務從物如流而
不知所執此則庸人也士人者心有所定計

有所守雖不能盡道術之本必有率也

率猶述也

雖不能徧百善之美必有處也是故智不務

多務審其所知言不務多務審其所謂

所謂者謂

言之要也

行不務多務審其所由智既知之言既

得之

得其要也

行既由之則若性命形骸之不可

易也富貴不足以益貧賤不足以損此則士

人也所謂君子者必忠信而心不怨

忍怨害也

仁

義在身而色不伐

無伐善之色也

思慮通明而辭不

專篤行信道自強不息油然若將可越而終

不可及者此君子也油然不進之貌越過所謂賢者德

不踰閑閑猶法也行中規繩言足法於天下而不

傷於身言滿天下無口過也道足化於百姓而不傷於

本本亦謂身富則天下無克財克積也施則天下不

病貧此賢者也所謂聖者德合天地變通無

方窮萬事之終始協庶品之自然敷其大道

而遂成情性明並日月化行若神下民不知

其德觀者不識其隣此聖者也隣以喻公曰

善哉非子之賢則寡人不得聞此言也雖然

寡人生於深宮之中長於婦人之手未嘗知

哀未嘗知憂未嘗知勞未嘗知懼未嘗知危

恐不足以行五儀之教若何孔子曰君入廟

而右登自阼階仰視榱桷察机筵其器皆

存而不覩其人君以此思哀則哀可知矣昧

爽夙興正其衣冠爽明也昧明始明也夙早也興起也平且視

朝慮其危難一物失理亂亡之端君以此思

憂則憂可知矣日出聽政至乎中昃中日中也昃日

也映諸侯子孫往來為賓行禮揖讓慎其威儀

君以此思勞則勞可知矣緬然長思出乎四

門周章遠望觀亡國之墟必將有數焉言亡國故

墟非但一也君以此思懼則懼可知矣夫君者舟

也民者水也水所以載舟亦所以覆舟君以

此思危則危可知矣既明此五者而又少留

意於五儀之事則於政治乎何有失哉

哀公問於孔子曰請問取人之法孔子對曰

事任之官言各當以其所能無取捷捷無取

鉗鉗鉗不謹對無取啍啍啍言也捷捷貪也捷捷

而不良所鉗鉗亂也啍啍誕也誕欺詐也故弓調

而後求勁焉馬服而後求良焉士必慤信而

後求智能焉不慤而多能譬之豺狼不可邇

也邇近也言人無智能者雖性慤信不能為大惡也不慤信有智能者然後乃可畏也

哀公問於孔子曰夫國家之存亡禍福信有
天命非唯人耶孔子對曰存亡禍福皆在己
而已天災地妖弗能加也昔者殷王帝辛之
世帝辛有雀生大鳥於城隅焉帝辛介雀之
德介助也以雀不修國政殷國以亡此即以
己逆天時得福反為禍者也又其先世殷太
戊之時道缺法邪以致天孽桑穀生朝七日
大拱太戊恐駭側身修行三年之後遠方慕

義重譯至者十有六國此即己逆天時得禍
轉為福者也故天災地妖所以儆人主也寤
夢徵恠所以儆人臣也儆戒災妖不勝善政
夢恠不勝善行能知此至治之極也明王達
此也
致思

季羔為衛士師士師別人之足俄而衛有亂
季羔逃之朋者則守門焉謂季羔曰彼有缺

季羔曰君子不踰又曰彼有竇季羔曰君子不隧隧從竇出又曰於此有室季羔入焉既而追者罷季羔將去謂別者曰吾不能虧主之法而親刑子之足今吾在難此正子報怨之時而子逃我何故別者曰斷足故我之罪也無可奈何曩者君治臣以法令先人後臣欲臣之免也臣知之獄決罪定臨當論刑君愀然不樂見於顏色臣又知之君豈私臣哉天生

君子其道故然此臣之所以悅君也孔子聞之曰善哉為吏其用法一也思仁恕則樹德加嚴暴則樹怨公以行其子羔乎

子路為蒲宰為水備修溝瀆以民之煩苦也人與一簞食一壺漿孔子止之子路曰由也以民多匱餓者匱乏也是以與之簞食壺漿而夫子使止之是夫子止由之行也仁孔子曰亦以為民餓何不白於君發倉廩以給之而

私以尔食饋之是汝明君之無惠也速已則
尔之見罪必矣

子貢問治民於孔子孔子曰慎慎焉如以腐

索御扞馬慎慎焉識懼之貌扞馬突馬也子貢曰何甚畏也

孔子曰夫通達之御皆人也以道導之則吾

畜也不以道導之則吾讎也若之何其無畏

也

三恕

孔子曰君子有三恕有君不能事有臣而求

其使非恕也有親弗能孝有子而求其報非

恕也有兄弟能敬有弟而求其順非恕也上

能明於三恕之本則可謂端身矣端正也

孔子觀於魯桓公之廟有欹器焉孔子問於

守廟者曰此為何器對曰此蓋為宥坐之器

孔子曰吾聞宥坐之器虛則欹中則正滿則

覆明君以為誠故置於坐側也顧謂弟子曰

覆明君以為誠故置於坐側也顧謂弟子曰

試注水焉水實之中則正滿則覆夫子喟然
歎曰嗚呼夫物惡有滿而不覆者哉子路進
曰敢問持滿有道乎子曰聰明叡智守之以
愚功被天下守之以讓勇力振世守之以怯
富有四海守之以謙此所謂損之又損之之
道也

好生

哀公問於孔子曰昔者舜冠何冠乎孔子不

對公曰寡人問於子而子無言何也孔子曰
以君之問不先其大者故方思所以為對焉
公曰其大何乎孔子曰舜之為君也其政好
生而惡殺其任授賢而替不肖德若天地之
虛靜化若四時之變物是以四海承風暢於
異類異類四方
之夷狄也鳳翔麟至鳥獸馴德馴順也無
他好生故也君舍此道而冠冕是問是以緩
對

觀周

孔子觀於明堂觀四方之墉墉墉有堯舜紂桀之象而各有善惡之狀興廢之誠焉又有周公相成王抱之而負斧扆南面以朝諸侯之圖焉孔子徘徊而望之謂從者曰此則周之所以盛也夫明鏡者所以察形往古者所以知今人主不務襲跡於其所以安存而急急於所以危亡是猶未有以異於却步而欲求

及前人也豈非惑哉孔子觀周遂入太祖后稷之廟廟堂右階之前有金人焉參緘其口而銘其背曰古之慎言人也戒之哉無多言多言多敗無多事多事多患安樂必誠雖處安樂

必警識也

無行所悔

所悔之事不可復行

勿謂何傷其禍將

長勿謂何害其禍將大勿謂不聞神將伺人罔罔不滅炎炎若何涓涓不壅終為江河絲絲不絕或成網羅絲絲微而不絕則有成網羅者豪末不札

如豪之末言將尋斧柯用誠能慎之福之根

也口是何傷禍之門也強梁者不得其死好

勝者必遇其敵盜憎主人民惡其上君子知

天下之不可上也故下之知衆人之不可先

也故後之溫恭慎德使人慕之執雌持下人

莫踰之人皆趣彼我獨守此人皆感我獨不

徙惑東西轉內藏我智不示人披我雖尊高

人弗我害唯能於此天道無親常與善人戒

之哉戒之哉孔子既讀斯文顧謂弟子曰小

子志之此言實而中情而信

賢君

哀公問於孔子曰當今之君孰為最賢孔子

對曰丘未之見也抑有衛靈公乎公曰吾聞

其闔門之內無別而子次之賢何也孔子對

曰臣語其朝廷行事不論其私家之際也公

曰其事如何孔子曰靈公之弟曰公子渠牟

製 複 許 不

NOT TO BE REPRODUCED

其智足以治千乘其信足以守之靈公愛而
任之又有士曰王林國者見賢必進之而退
與分其祿是以衛國無遊放之士靈公知而
尊之又有士曰慶足者國有大事則必起而
治之國無事則退而容賢言其所以退欲
以容賢於朝靈
公悅而敬之又有大夫史鰭以道去衛而靈
公郊舍三日琴瑟不御必待史鰭之入而後
敢入臣以此取之雖次之賢不亦可乎

子貢問孔子曰今之人臣孰為賢乎子曰齊
有鮑叔鄭有子皮則賢者矣子貢曰齊無管
仲鄭無子產乎子曰賜汝徒知其一未知其
二也汝聞用力為賢乎進賢為賢乎子貢曰
進賢賢哉子曰然吾聞鮑叔達管仲子皮達
子產未聞二子之達賢己之才也

哀公問於孔子曰寡人聞忘之甚者徒而忘
其妻有諸孔子對曰此猶未甚者甚者乃忘

其身公曰可得聞乎孔子曰昔夏桀樂貴爲天子富有四海忘其聖祖之道壞其典法絕其世祀荒乎淫樂沈湎于酒佞臣諂諛窺導其心忠士鉗口逃罪不言杜鉗口天下誅桀而有國此之謂忘其身之甚者也

子路問於孔子曰賢君治國所先者何在孔子曰在於尊賢而賤不肖子路曰由聞晉中行氏尊賢而賤不肖矣其亡何也子曰中行

氏尊賢而弗能用賤不肖而不能去賢者知其不已用而怨之不肖者知其必已賤而讎之怨讎並存於國隣敵構兵於郊中行氏雖欲無亡豈可得乎

哀公問政於孔子孔子對曰政之急者莫大乎使民富且壽也公曰爲之奈何孔子曰省力役薄賦斂則民富矣敦禮教遠罪疾則民壽矣公曰寡人欲行夫子之言恐吾國貧矣

孔子曰詩不云乎愷悌君子民之父母未有其子富而父母貧者也

衛靈公問孔子曰有語寡人爲國家者計之於廟堂之上則政治矣何如孔子曰其可也愛人者則人愛之惡人者則民惡之知得之己者則知得之人所謂不出環堵之室而知天下者知及己之謂也

辨政

子貢爲信陽宰將行孔子曰勤之慎之奉天之時無奪無代無暴無盜子貢曰賜也少而事君子豈以盜爲累哉孔子曰而未之詳也夫以賢代賢是之謂奪以不肖代賢是之謂代緩令急誅是之謂暴取善自與是之謂盜盜非竊財之謂也吾聞之知爲吏者奉法以利民不知爲吏者在法以侵民此怨所由生也匡四人之善斯謂蔽賢揚人之惡斯謂小

人內不相訓而外相謗非親睦也言人之善若已有之言人之惡若已受之故君子無所不慎焉

六本

孔子曰行己有六本焉然後爲君子立身有義矣而孝爲本喪紀有禮矣而哀爲本戰陣有列矣而勇爲本治政有理矣而農爲本居國有道矣而嗣爲本

繼嗣不立則亂之源也

生財有時

矣而力爲本置本不固無務農桑親戚不悅無務外交事不終始無務多業反本修迹君子之道也

孔子曰藥酒苦於口而利於病忠言逆於耳而利於行湯武以諤諤而昌桀紂以唯而亡君無爭臣父無爭子兄無爭弟士無爭友其無過者未之有也故曰君失之臣得之父失之子得之兄失之弟得之士失之友得之是

以國無危亡之兆家無悖亂之惡父子兄弟無失而交友無絕

孔子讀易至於損益喟然而歎子夏避席問曰夫子何歎焉孔子曰夫自損者必有益之自益者必有決之吾是以歎也子夏曰然則學者不可以益乎子曰非道益之謂也道彌益而身彌損夫學者損其自多以虛受之天道成而必變凡持滿而能久者未嘗有也故

曰自賢者則天下之善言不得聞其耳矣

孔子曰以富貴而下人何人不與以富貴而愛人何人不親發言不逆可謂知言矣孔子曰吾死之後則商也日益賜也日損曾子問曰何謂也子曰商也好與賢己者處賜也好悅不如己者不知其子視其父不知其人視其友不知其君視其所使故曰與善人居如入芝蘭之室久而不聞其香即與之化矣與

不善人居如入鮑魚之肆久而不聞其臭亦與之化矣是以君子必慎其所與者焉

哀公問政

哀公問政於孔子孔子對曰文武之政布在方策其人存則其政舉其人亡則其政息故爲政在於得人取人以身修身以道修道以仁仁者人也親親爲大義者宜也尊賢爲大親親之教尊賢之等禮所生也是以君子不

可以不修身思修身不可以不事親思事親不可以不知人思知人不可以不知天天下之達道有五其所以行之者三曰君臣也父子也夫婦也昆弟也朋友之交也五者天下之達道也智仁勇三者天下之達德也所以行之者一也或生而知之或學而知之或困而知之及其知之之一也或安而行之或利而行之或勉強而行之及其成功一也好學近

於智力行近於仁知耻近於勇知斯三者則知所以修身知所以修身則知所以治人知所以治人則能成天下國家矣公曰政其盡此而已乎孔子曰凡為天下國家者有九經焉曰修身也尊賢也親親也敬大臣也體羣臣也子庶人也來百工也柔遠人也懷諸侯也修身則道立尊賢則不惑親親則諸父昆弟不怨敬大臣則不眩體羣臣則士之報禮

重子庶民則百姓勸來百工則財用足柔遠人則四方歸之懷諸侯則天下畏之公曰為之奈何孔子曰齊莊盛服非禮不動所以修身也去讒遠色賤貨而貴德所以尊賢也爵其能重其祿同其好惡所以篤親親也官盛任使所以敬大臣也盛其官任而使之也忠信賞祿所以勸士也忠信者與之重祿也時使薄斂所以子百姓也日省月考既稟稱事所以來百工也既稟食之

各當其職事也

送往迎來嘉善而矜不能所以綏遠

人也

綏安也

繼絕世舉廢邦朝聘以時厚往而

薄來所以懷諸侯也治天下國家有九經焉

其所以行之者一也凡事豫則立不豫則廢

言前定則不跲

躓路

事前定則不困行前定則

不疚

疚病

道前定則不窮公曰子之教寡人備

矣敢問行之所始孔子曰立愛自親始教民

睦也立敬自長始教民順也教以慈睦而民

貴有親教以敬長而民貴用命民既孝於親

又順以聽命措諸天下無所不行

顏回

魯定公問於顏回曰子亦聞東冶畢之善御

乎對曰善則善矣雖然其馬將必逸公不悅

其後三日東冶畢之馬逸公聞之促駕召顏

回顏回至公曰前日寡人問吾子以東冶畢

之御而子曰其馬將逸不識吾子奚以知之

顏回對曰以政知之而已矣昔者帝舜巧於使民而造父巧於使馬舜不窮其民力造父不窮其馬力是以舜無逸民造父無逸馬今東冶畢之御也歷嶮致遠馬力盡矣然而其心猶求馬不已臣以此知之公曰善哉吾子之言其義大矣願少進乎顏回曰臣聞之鳥窮則喙獸窮則攫人窮則詐馬窮則逸自古及今未有窮其下而能無危者也公悅

困誓

衛蘧伯玉賢而靈公不用彌子瑕不肖而反任之史魚驟諫公不從史魚病將卒命其子曰吾在公朝不能進蘧伯玉退彌子瑕是吾為臣不能正君也生而不能正君死不可以成禮矣吾死汝置屍牖下於我畢矣

畢猶足也禮殯

於客位

其子從之靈公弔焉恠而問之其子以其父言告公公愕然失容曰是寡人之過也

於是命之殯於客位進蘧伯玉而用之退彌
子瑕而遠之孔子聞之曰古之列諫者死則
已矣未有若史魚死而屍諫忠感其君可不
謂直乎

執轡

閔子騫爲費宰問政於孔子孔子曰以德以
法夫德法者御民之具猶御馬之有銜勒也
君者人也吏者轡也刑者策也人君之政執

其轡策而已矣子騫曰敢問古之爲政孔子

曰古者天子以內史爲左右手以德法爲銜

勒以百官爲轡以刑罰爲策以萬民爲馬故

御天下數百年而不失善御馬者正銜勒齊

轡策均馬力和馬心故口無聲而馬應轡策

不舉而極千里

極至也

善御民者一其德法正

其百官均齊民力和安民心故令不再而民

順從刑不用而天下化治是以天地德之

天地

以為而兆民懷之懷不能御民者弃其德法

專用刑辟譬猶御馬弃其銜勒而專用箠策

其不可制也必矣夫無銜勒而用箠策馬必

傷車必敗無德法而用刑辟民必流國必亡

凡治國而無德法則民無所法修民無所法

修則迷惑失道古之御天下者以六官總治

焉六官在手以為轡故曰御四馬者執六轡

御天下者正六官是故善御馬者正身以總

轡均馬力齊馬心迴旋曲折唯其所之故可

以取長道可以趣急疾此聖人所以御天地

與人事之則也天子以內史為左右手以六

官為轡已而與三公執六官均五教齊五法

仁義禮智故亦唯其所引無不如志

五刑

并有問於孔子曰先王制法使刑不上於大

夫禮不下於庶人然則大夫之犯罪不可以

加刑庶人之行事不可以治禮乎孔子曰不
然凡治君子以禮義御其心所以屬之以廉
耻之節也故古之大夫其有坐不廉污穢而
退放之者則曰簠簋不飾飾整齊有坐滛亂男
女無別者則曰帷薄不修有坐罔上不忠者
則曰臣節未著有坐疲軟不勝任者則曰下
官不臧言其下官不務其職不斥其身也有坐干國之紀者
則曰行事不請言不請而擅行也此五者大夫既自

定有罪名矣而猶不忍斥然正以呼之也既
而爲之諱所謂愧耻之是故大夫之罪其在
五刑之域者謹發則白冠釐纓盤水加劔造
于闕而自請罪君不使有司執縛牽掣而加
之也其有大罪者聞命則北面再拜跪而自
裁君不使人摔引而刑殺之也曰子大夫自
取之耳吾遇子有禮矣是以刑不上大夫而
大夫亦不失其罪者教使然也凡所謂禮不

下庶人者以庶人遽其事而不能充禮故不責之以備禮也

刑政

仲弓問於孔子曰雍聞至刑無所用政至政無所用刑至刑無所用政桀紂之世是也至政無所用刑成康之世是也信乎孔子曰聖人之治化也必刑政相參焉太上以德教民而以禮齊之其次以政導民以刑禁之化之

弗變導之弗從傷義敗俗於是乎用刑矣仲

弓曰古之聽訟可得聞乎孔子曰凡聽五刑

之訟必原父子之親立君臣之義以權之意

論輕重之序慎測淺深之量以別之悉其聽

明致其忠愛以盡之大司寇正刑明辟以察

獄獄必三評焉一曰訊群臣二曰訊有指無

簡則不聽簡誠也有其意無其附從輕赦從

重附人之罪以輕為比疑獄則汎與眾共之

衆疑赦之故爵人必於朝與衆共之也刑人

必於市與衆弃之也古者公家不畜刑人大

夫不養也士遇之塗弗與之言也屏諸四方

唯其所之弗及以政弗欲生之故也仲弓曰

聽獄獄之成成何官孔子曰獄成於吏吏以

獄之成告於正正獄官長也正既聽之乃告

於大司寇大司寇聽之乃奏於王王命三公

卿士參聽棘木之下外朝之法左九棘孤卿大夫位焉右九棘公侯

伯子男位焉面三槐三公位焉然後乃以獄之成報于王王

以三宥之法聽之君王尚寬非雖已定猶三宥之不可得輕然後刑之

也而後制刑焉所以重之也仲弓曰古之禁

何禁孔子曰折言破律巧賣法令者也亂名改作變易

官與物名執左道以亂政者殺左道邪道作淫聲淫逸惑亂

之造異服非人所常見設竒伎竒器以盪上心者

殺怪異之伎可以眩曜人心之器盪動也行偽而堅行詐偽而堅守言

偽而辨學非而博順非而澤順其非而滑澤之以惑

衆者殺假於鬼神時日卜筮以疑民者殺此
四誅者不待時不以聽

不聽於棘木之下也

問王

子張問聖人之所以教孔子曰師乎吾語汝
聖人明於禮樂舉而措之而已子張又問孔
子曰師亦以爲必布几筵揖讓升降酌獻酬
酢然後謂之禮乎亦以爲必行綴兆執羽籥
作鍾鼓然後謂之樂乎言而可履禮也行而

可樂樂也聖人力此二者以恭己南面是故
天下太平萬國順服百官承事上下有禮也
夫禮之所興衆之所以治也禮之所廢衆之
所以亂也昔者明王聖主之辨貴賤長幼正
男女外內序親疎遠邇而莫敢相踰越者皆
由此塗出也

屈節

密子賤爲單父宰恐魯君聽讒人使己不得

行其政於是辭行也故請君之近吏二人與之俱至官密子戒其邑吏令二吏書方書掣其肘書不善則從而怒之二吏患焉辭請歸魯君以問孔子孔子曰密不齊君子也意者其以此諫乎公寤大息而嘆曰此寡人之不肖也寡人亂密子之政而責其善者數矣微二吏則寡人無以知過微夫子則寡人無由寤遽使告密子曰自今日以往單父非吾有

也從子之制有便於民者子決爲之五年一言其要密子遂得行政於單父焉躬敦厚明親親尚篤敬施至仁加懇誠致忠信百姓化之

正論

定公問於孔子曰大夫皆勸寡人使隆敬於高年可乎孔子對曰君之及此言也將天下實賴之豈惟魯而已哉公曰何也孔子曰昔

者有虞氏貴德而上齒夏后氏貴爵而上齒

殷人貴富而上齒富謂世祿之家周人貴親而上齒

虞夏殷周天下之盛王也未有遺年者焉年

之貴于天下久矣次于事親是故朝廷同爵

則上齒七十杖於朝君問則席君欲問之則為之設席

八十不仕朝君問則就之而悌達於朝廷矣

其行也肩而不並不敢與長者並肩也不錯則隨錯鴈行也

父黨隨行見老者則車從避見老者在道車與步皆避之也

班白者不以其任行於路任擔也少者代之也而悌達

於道路矣居鄉以齒而老窮不匱強不犯弱

眾不暴寡而悌達於洲巷矣古之道五十不

為甸役五十始老不從力役之事不及田獵之徒也頒禽隆諸長

者而悌達于軍旅矣夫聖王之教孝悌發諸

朝廷行于道路至于洲巷放于蒐狩循于軍

旅則眾同以義死之而弗敢犯也公曰善

哀公問於孔子曰寡人聞之東益不祥東益東益

也信有之乎孔子曰不祥有五而東益不與焉夫損人而自益身之不祥也弃老而取幼家之不祥也擇賢而用不肖國之不祥也老者不教幼者不學俗之不祥也聖人伏匿愚者擅權天下不祥也故不祥有五而東益不與焉

子夏問


子夏問於孔子日記云周公相成王教之以

世子之禮有諸孔子曰昔者成王嗣立幼未能蒞祚周公攝政而治抗世子之法於伯禽欲成王之知父子君臣之道所以善成王也夫知爲人子者然後可以爲人父知爲人臣者然後可以爲人君知事人者然後可以使人是故抗世子法於伯禽使之與成王居使成王知父子君臣長幼之義焉

羣書治要卷第十

紀伊德川
氏藏板記





不 許 複 製

NOT TO BE REPRODUCED

東京大学東洋文化研究所